

Bosna i Hercegovina
Federacija Bosne i Hercegovine
Tuzlanski kanton
OPĆINA SAPNA
Općinsko vijeće

Broj: 02-04-313/24
Datum: 12.02.2024.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 5. Uredbe o vršenju ovlaštenja u privrednim društvima sa učešem državnog kapitala iz nadležnosti Tuzlanskog kantona i općina/gradova na području Tuzlanskog kantona ("Službene novine TK", broj 11/19), člana 22. Statuta općine Sapna („Sl.glasnik općine Sapna“, broj 6/07, 8/09 i 3/12), člana 5. Odluke o uslovima, kriterijima i postupku imenovanja članova nadzornih odbora JKP „Sapna“ d.o.o. Sapna i JP „VETERINARSKA STANICA“ d.o.o. Sapna (“Službeni glasnik općine Sapna”, broj 6/21) i Odluke o raspisivanju javnog oglasa za izbor i imenovanje dva člana Nadzornog odbora JP „VETERINARSKA STANICA“ d.o.o. Sapna (“Službeni glasnik općine Sapna”, broj 1/24), Općinsko vijeće, objavljuje:

JAVNI OGLAS
za izbor i imenovanje dva člana
Nadzornog odbora JP „VETERINARSKA STANICA“ d.o.o. Sapna

I. Predmet javnog oglasa

Objavljuje se javni oglas za izbor i imenovanje dva člana Nadzornog odbora JP „VETERINARSKA STANICA“ d.o.o. Sapna

II. Opis pozicija:

Članovi Nadzornog odbora obavljat će poslove u skladu sa Zakonom o privrednim društvima, Zakonom o javnim preduzećima u FBiH i Odlukom o osnivanju Javnog preduzeća „Veterinarska stanica“ d.o.o Sapna („Službeni glasnik općine Sapna“ broj: 1/13 i 1/17)

III. Mandat i naknada za rad:

Mandat novoimenovanih članova Nadzornog odbora JP „VETERINARSKA STANICA“ d.o.o. Sapna traje do isteka mandata članova nadzornog odbora koji nisu razrješeni, uz mogućnost ponovnog imenovanja.

Imenovana lica imaju pravo na naknadu u skladu sa Odlukom Općinskog vijeća.

IV. Kandidati trebaju ispunjavati slijedeće opće i posebne uslove:

a/ Opći uslovi

1. Da su državljani Bosne i Hercegovine,
2. Da su stariji od 18 godina,
3. Da se protiv njih ne vodi krivični postupak i da nisu osuđivani za krivično djelo,
4. Da nisu kažnjavani iz oblasti privrednog prijestupa,
5. Da im nije izrečena zaštitna mjera zabrane obavljanje aktivnosti u nadležnosti nadzornog odbora,
6. Da nisu obuhvaćeni odredbom člana IX stav 1. Ustava Bosne i Hercegovine,
7. Da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od tri (3) godine prije dana objavljivanja oglasa za upražnjene pozicije,
8. Da nisu izabrani dužnosnici, nosioci izvršne vlasti ili savjetnici u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj 70/08.),
9. da nisu članovi upravnog, izvršnog ili drugog organa političke stranke usmislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03, 34/03 i 65/13).

b/ Posebni uslovi

1. Da imaju visoku stručnu spremu odnosno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 180 ECTS bodova)
2. Da imaju najmanje jednu (1) godine radnog iskustva s visokom stručnom spremom.

3. Da se ne bave djelatnošću konkurentnom djelatnosti društva.
4. Da nemaju finansijski interes u privrednom društvu.
5. Da nisu predsjednici ili članovi više od jednog nadzornog ili upravnog odbora.

V. Za sve kandidate koji ispunjavaju opće i posebne uslove u postupku konačnog izbora uzeće se u obzir i slijedeći kriteriji:

- komunikacijske i organizacione sposobnosti,
- minimum znanja o organizaciji i djelatnosti organa u koji se imenuje,
- sposobnosti savjesnog i odgovornog obavljanja upražnjene pozicije,
- sposobnost nepristrasnog donošenja odluka i
- naklonjenost timskom radu.

VI Potrebni dokumenti

Uz prijavu na javni oglas kandidati su dužni priložiti:

1. kraću biografiju, adresu i kontakt telefon,
2. uvjerenje o državljanstvu,
3. ovjerenu kopiju diplome,
4. uvjerenje o radnom iskustvu,
5. uvjerenje suda da se protiv njih ne vodi krivični postupak i da nisu osuđivani za krivično djelo,
6. uvjerenje suda da nisu kažnjavani iz oblasti privrednog prijestupa,
7. uvjerenje suda da im nije izrečena zaštitna mjera zabrane obavljanje aktivnosti u nadležnosti nadzornog odbora,
8. izjava kandidata o ispunjavanju uslova iz tačke IV.a. alineja 6, 7, 8 i 9.
9. izjava kandidata o ispunjavanju uslova iz tačke IV.b. alineja 3, 4 i 5.

Sva tražena i navedena dokumentacija mora biti u originalu ili ovjerenoj kopiji, a izjava mora biti ovjerena od strane nadležnog organa.

Svi kandidati koji ispunjavaju opće i posebne uslove bit će pozvani na intervju.

U prijavi kandidati su dužni označiti na koju se poziciju kandidiraju.

Podnosioci prijava s kojima se ne stupi u kontakt u roku od 8 dana od isteka roka za podnošenje prijave, kao i kandidati koji su uredno pozvani a nisu se pojavili na intervjuu, neće biti uzeti u razmatranje u daljnjem postupku imenovanja i smatrat će se da su odustali od kandidature.

Nakon okončanja postupka, Komisija za izbor dostavlja Općinskom vijeću rang listu kandidata za svako javno preduzeće.

Na osnovu rang liste kandidata Općinsko vijeće donosi odluku o utvrđivanju prijedloga kandidata za imenovanje članova nadzornog odbora.

U skladu s Odlukom Općinskog vijeća, skupština JP „VETERINARSKA STANICA“, donijet će Odluku o konačnom imenovanju članova nadzornog odbora i osigurati objavu konačnog imenovanja u Službenom glasniku općine Sapna.

Zainteresirana stranka, može podnijeti prigovor na konačano imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u FBiH.

Prigovor na konačna imenovanja se podnosi Općinskom vijeću Sapna, a kopija se dostavlja Ombudsmenu za ljudska prava BiH.

Javni oglas ostaje ostvoren 15 od dana objavljivanja u „Službenim novinama Federacije BiH“, i dnevnom listu „Oslobođenje“, računajući od dana poslednjeg objavljivanja.

Prijave sa svim traženim dokumentima dostaviti lično ili preporučeno poštom na adresu: Općina Sapna ul . 206. Viteške brigade bb 75 411 Sapna - Komisija za izbor članova Nadzornog odbora JP „VETERINARSKA STANICA“ d.o.o. Sapna „Prijava na javni oglas“ – NE OTVARAJ.

Neblagovremeno i nepotpune prijave neće se uzeti u razmatranje.